




ԱՄԱՆՈՐԻ ԵՐԵՎՈՒՅԹ ՄԱՅՐ ԱԹՈՌՈՒՄ

Գեկտեմբերի 31. հինգշաբթի:

1981 թվականի վերջին օրն է, վերջին երեկոն:

Դատության գիրկն է անցնում Մայր Աթոռի հոգևոր, եկեղեցական, թեմական, մշակութային, կրթական, հրատարակչական, շինարարական և այլ բազում իրադարձություններով հարուստ տարեգրության մի կարևոր էջը և:

1981 թվականը եկեղեցական-ազգային տեսակետից հանդիսացավ հիշատակության արժանի պատմական մի տարի նրանով, որ Հայաստանյայց Առաքելական Եկեղեցին, Մայր Աթոռ Ա. Էջմիածնի օրհնությամբ և Ամենայն Հայոց Հայրապետի արքունի ու անմիջական ղեկավարության ներքո, շարունակեց իր նախախնամական, հոգևոր և պատմական առաքելությունը հայ ժողովրդի կյանքում, թե՛ ի հայրենիս և թե՛ ի տիյուս աշխարհի:

Մայր Աթոռը լայն հորիզոնների մտաւեփոխմով շարունակեց նաև իր հայրենասիրական առաքելությունը մեր ժողովրդի ծոցում, նրա ազգային գերագույն շահերի քննարկման գիտակցությամբ:

Այս ոգով և այս հաստատումներով է, որ Վեհափառ Հայրապետի բարձր նախագահության ներքո ղեկավարվող 31-ին, երեկոյան, Մայր Աթոռի ողջ միաբանությունը, գլխավորությամբ լուսարարապետ Տ. Հուսիկ արքեպիսկոպոսի, Տ. Արսեն, Տ. Նարեկ, Տ. Գևորգ թեմակալ առաջնորդ սրբազանները, Աղբրեջանի հայոց թեմի առաջնորդական տեղապահ Տ. Անանիա վարդապետը, Նոր Նախիջևանի և Ռուսաստանի հայոց թեմի առաջնորդական տեղապահ Տ. Տիրան վարդապետը սրտի խորը հուզմամբ հավաքվել էին Դազարապատի միաբանական սեղանատանը՝ ճանապարհելու հին տարին և դիմավորելու 1982 թվականը:

Հանդիսությանը ներկա էին Գերագույն Հոգևոր Խորհրդի և Վերստուգիչ Հանձնաժողովի անդամները, մայրավանքի ղեկավար աշխատողները: Այստեղ էին նաև հոգևոր ճեմարանի դասախոսական կազմն ու ուսանողությունը՝ գլխավորությամբ տեսուչ Տ. Եզնիկ քնն. Գևորգյանի:

Հոգևոր ճեմարանի ուսանողները հաջողությամբ ավարտել էին 1981—1982 ու-

սումնական տարվա գրավոր և բանավոր կիսամյա քննությունները և գոհունակ սրբտով, խաղաղ խղճմտանքով եկել էին բարի ճանապարհ մաղթելու անցնող տարվան և ցնծությամբ, հավատքով, լավատեսությամբ, երիտասարդական եռանդով դիմավորելու մոր տարին, որպեսզի 1982 թվականին նաև կարողանան իրենց ուսումնառության շրջանը ավարտել փայլուն արդյունավորությամբ և իրենց լավագույն երազանքները իրականություն դարձնել:

Ժամը 20-ին Ղազարապատի միաբանական սեղանատունը, ճաշակով ու գեղեցկորեն զարդարված Ամանորի առիթով, զրույթաց ընդունում է իր հյուրերին: Ողջ սեղանատունը, իր շուրջ 100 հրավիրյալներով, հոտնկայս, ջերմորեն ու ուրախ ծափողջույններով դիմավորում է Հայոց Հայրապետի ժամանումը:

Ամանորի սեղանը, որը պատրաստվել էր Մայր Աթոռի բարիքներով, օրհնում է Վեհափառ Հայրապետը:

Հոգևոր ճեմարանի երգչախումբը կատարում է ճեմարանի քայլերգը:

Ամանորի սեղանների շուրջ ստեղծվում է ջերմագին, ոգեշունչ և հայրենասիրական մթնոլորտ:

Հոգևոր ճեմարանի տեսուչ Ս. Եզնիկ քնն. Պետրոսյանը, շնորհավորելով Հայոց Հայրապետի և բոլոր սեղանակիցների Ամանորը, հանդես է գալիս հետևյալ գեղեցիկ ուղերձով.

«Վեհափառ Տեր,

Ահա մորից Նոր տարի է, խիճի ու բերկրանքի օր: Ամեն ոք անհուն բերկրանքով ու ապագայի նկատմամբ սիրով ու քաջում հույսերով է դիմավորում Նոր տարին:

Թեպետ առարկայորեն դիտված այսօրվա օրը, այսօրվա 24 ժամը ոչնչով չի տարբերվում մյուս օրերից, սակայն ինչպես էլ որ ընկալվի այն, Ամանորը մոր կյանք, մոր ծնունդ է տալիս մարդկանց հոգեկան աշխարհին: Այդ իսկ պատճառով էլ գրեթե ամեն մարդ ցնծություն, խնդություն և անհուն կայստություն է զգում Նոր տարվա սեմին:

Մարդկային կյանքը իր օրհնաչափ ընթացքով առաջ է շարժվում ամեն օր, ամեն ժամ, անդադար:

Միայն Ամանորին է, որ մարդկությունը հին տարվա մայրամուտին և մոր տարվա արշալույսին մի պահ կանգ է առնում հարցնելու, թե ի՞նչ է կյանքը և ի՞նչ՝ համար է այն:

Կյանքի կոչված ամեն մի մարդու առջև նպատակ է դրված՝ հասնելու մի կետի, որն ավելի կատարյալ է:

Այն իրագործելու համար մարդ պետք է կարողանա արդյունավորել իրեն տրված աստվածային շնորհները: Հետևաբար այստեղ հավաքված յուրաքանչյուրիս համար իբրև անհատ, իբրև մի սուրբ հաստատության անդամ, այսօր հաշվետվության օր է: Բնական է, որ ճեմարանի տեսչությունը նույնպես իր առջև դնի այդ հարցը:

Մի ակնարկ նետելով 1981 թ. հոգևոր ճեմարանի կյանքի վրա, ուրախությամբ պիտի նշենք, որ անցյալ տարվա ընթացքում հոգևոր ճեմարանի և ճեմարանին կից քահանայից քաժմի շրջանաժարտներից 8-ը ստացել են քահանայական ձեռնադրություն և օծում, իսկ 4-ը՝ սարկավագական ձեռնադրություն:

Բացի այս, մեկ շաբաթ առաջ, Ս. Ստեփանոսի տոնին, Գ լսարանից 3 ուսանող արժանացան սարկավագական ձեռնադրության, իսկ Ա լսարանից 13 ուսանողների շնորհվեց ուրարակության և Գ դասարանի 16 ուսանողի՝ դպրության աստիճաններ:

Ավարտվեց 1981—82 ուսումնական տարվա առաջին կիսամյակը: Եկել է պահը ամփոփելու անցյալ կիսամյակի արդյունքները և մշակելու եկող կիսամյակում կատարվելիք աշխատանքի ծրագիրը: Եվ, քնականաբար, հաճելի է, որ այս ամփոփման պահը համընկնում է Նոր տարվա հաշվեհարդարի պահին: Ասում են հաճելի, որովհետև նման մթնոլորտում և՛ աշխատանքն է հաճելի, և՛ հաճույքով կատարվող աշխատանքի արդյունքներն են հաճելի լինում:

Վեհափառ Տեր,

Թույլ տվեք, հանուն հոգևոր ճեմարանի տեսչության, շնորհավորել Ձեր Նոր տարին, մաղթել երջանիկ և արգասաբեր Նոր տարի:

Թող 1982 թ. Հայ Եկեղեցու և հայ ժողովրդի համար լինի խաղաղության և մորաճուր հաջողությունների տարի:

Ծնորհավոր Նոր տարի»:

Ճեմարանի երգչախումբը ոգևորությամբ կատարում է Հայրապետական մաղթանքը, որն ունկնդրվում է հոտնկայս և հարգալից լռությամբ:

Ա լսարանի ուսանող ուրարակի Հակոբ Մարտիրոսյանը արտասանում է Գեղամ Մարյանի «Օրացույց» քերթվածը, իսկ Գ դասարանի ուսանող Հովակիմ Քիլեջյանը դաշնամուրի վրա կատարում է «Սոնատինան»:

Ի դիմաց Մայր Աթոռի միաբանության, լուսարարապետ Ս. Հուսիկ արքեպիսկոպոսը շնորհավորում է Հայոց Հայրապետի Նոր տարին, առողջության և երկարամյա



եկեղեցաշեն ու արտաձվեր զանակալության արտազին բարեմադրություններով, և առաջարկում է բաժանի բարձրացնել Հայոց Հայրապետի կեննացը:

Բոլոր ներկայները հետևկալս մասնակցում են այդ առաջարկին և բաժանի բարձրացնում Հայոց Հայրապետի արեւատուրջան կեննաց:

Նոր տարվա ողջույնի և շնորհավորանքի ջերմ խոսք է արում նաև Աղբյուրանի հայոց թեմի առաջնորդական տեղապահ Տ. Անանիա վրդ. Արաքսյանը՝ հանուն իր թեմի եկեղեցականության և հայ հավատացյալ ժողովրդի:

Բ. դասարանի ուսանող Ստեփան Պողյանը արտասանում է Գանիել Վարուժանի «Անդաստան» քերթվածը: Երգչախումբը կատարում է Նոր տարվան նվիրված «Վենաց երգը»: Նույն դասարանի ուսանող Վազգեն Պրապետյանը հանդես է գալիս Վահան Թեքեյանի «Աղոթք վաղվան սեմին առջև» քերթվածի արտասանությամբ:

Գլխարանի ուսանող Վարդգես սրկ. Մկրտչյանը, ի դիմաց ուսանողության, ընթերցում է Վեհափառ Հայրապետին ողբը՝ որդիական երախտագիտությամբ գրված հետևյալ շնորհավորական խոսքը.

«Վեհափառ Տեր,

Ամեն անգամ Նոր տարվա նախաշեմին, բարի մաղթանքներով և շնորհավորանքներով հետո, միշտ հիշենք Պողոս Առաքյալի հետևյալ խոսքերը. «Եվ ոչ մեկին պարտապան մի մնացնեք, բացի միմյանց սիրելուց»:

Այսօր, տարեմուտի այս գեղեցիկ երեկոյին, հավաքված Ա. Էջմիածնի միաբանական սեղանատանը, հրաժեշտ ենք տալիս անցնող՝ 1981 թ. և մեծ ուրախությամբ դիմավորում գալիք՝ 1982 թ.:

Ամբողջ մարդկության պատմության մեջ այս տարին ևս մի ակնթարի է, ակնթարթ, որը ներկայիս մարդկության համար պայմանավորված էր երկար ու կարճ 365 օրերով՝ լեցուն ուրախություններով և հուզումնալից պահերով: Այս է պատճառը, որ լուրաբանչյուր Նոր տարվա շեմին, երբ խորհում են անցնող տարվա մեջ կատարված գործերի մասին, ամեն կերպ ցանկանում են վերացնել թերի մնացած գործերը, իսկ լավ գործերին՝ ավելացնել ավելի լավը: Ահա նույն հոգեբանությամբ և տրամադրությամբ են համակված հոգևոր ճեմարանի սաները:

Այդ 365 օրերում հոգևոր ճեմարանը ապրել է իր տեղեկագործական կյանքով. նոր սաներ են ընդունվել ճեմարան, նոր ուսումնական մեթոդներ են առաջարկվել, որոնք իրենց դրական արդյունքն են տվել

ուսման առաջադիմության մակարդակը բարձրացնելու համար: Եվ այդ ամբողջ տարվա ընթացքում հոգևոր ճեմարանը միշտ վայելել է Վեհափառ Հայրապետի ջերմ հոգատարությունն ու հայրական վերաբերմունքը: Թե ինչքանով է Վեհափառ Հայրապետի հոգատարությունն ուրախացնում ու ջերմացնում մեր սրտերը, այդ անկարելի է բացատրել բառերով, իսկ թե ինչպես մենք պետք է մեր շնորհակալությունը հայտնենք, արդեն հասկանալի է բոլորին՝ մեր լավ ուսմամբ և վարքով:

Թույլ տվեք հավաստիացնել Ձեզ, Վեհափառ Տեր, որ մենք հուսալիս չենք այն Ձերդ Սրբության բարձր վստահությունը, կլինենք ճեմարանին արժանի իսկական տաներ՝ միշտ բարձր պահելով ոչ միայն հոգևոր ճեմարանի, այլև դարերի խորքից եկող Հայ Առաքելական եկեղեցու պատիվն ու ավանդությունները: Ծնորհակալություն Ձեզ, Վեհափառ Տեր, մեր ներկայումս ունեցած հոգատար վերաբերմունքի և հայրական սիրո համար, որով միշտ շրջապատել ու շրջապատում եք հոգևոր ճեմարանին և ուսանողությանը:

Այս գեղեցիկ օրը ցանկանում եմ ուսանողության անունից շնորհակալական խոսք ուղղել նաև հոգևոր ճեմարանի տեսչությանը և դասախոսական կազմին, որոնք իրենց ազնիվ աշխատանքով միշտ նպաստել ու նպաստում են ուսանողներին գիտելիքների հարստացմանը: Սիրելի դասախոսներ, համոզված եղեք, որ ձեր ցանած սերները չեն ընկնում ապատումների ու ճանաչարհների վրա, այլ սերմանվում են պարսրա հողում և տալիս բազում հասկեր, բարի արդյունքներ:

Վերջացնելով իմ խոսքը, վերստին ուսանողության անունից շնորհակալություն ենք հայտնում Վեհափառ Հայրապետին, հոգևոր ճեմարանի տեսչությանը, դասախոսական կազմին, ինչպես նաև Մայր Աթոռի ողջ միաբանությանը՝ ի մասնավորի Հուսիկ Սրբազանին և Մամրեե Հայր Սուրբին, որոնք ճեմարանի ուսանողության համար եկեղեցական ծիսակառուության իսկական դասախոսներն են:

Թույլ տվեք, Վեհափառ Տեր, ուսանողության անունից շնորհավորել Ձեր և այստեղ գտնվողների Նոր տարին, մատչել ի համբույր Ձերդ Սուրբ Աչին, առանալով Ձերդ Սրբության հայրական օրհնությունները և բարի մաղթանքները:

Ճեմարանի ազատ ունկնդիր դպիր Ղազար Կարապետյանը (Դրար) արտասանում է Բյուրնսի «Լոմ սիրտը լեռներում է» անգլերեն բանաստեղծությունը:

Մի պահ մարում են սեղանատան զվարթ լույսերը, և մոմերի մեղմ լույսի տակ երգչախումբը կատարում է «Լո՛ւռ գիշեր, սո՛ւրբ գիշեր» Ծմնդյան գեղեցիկ երգը:

Գլխարանի ուսանող Ալեքսան սրկ. Թագայանը ինքնագիր «Կաղանդչեքեր» է ընթերցում ներկաներից ոմանց նվիրված՝ մի պահ խիմոլով ու ծիծաղով լցնելով միաբանական սեղանատունը և բոլոր ներկաների սրտերը:

Խանդավառ մթնոլորտում տեղի է ունենում նաև Նոր տարվա ավանդական վիճակահանություն: Ներկաներից ոմանք մի պահ «բախտավորվում» են իրենց շահած նվերներով:

Տեսուչ Հոր հրավերով, հանդիսության ավարտին, Հայոց Հայրապետը հրավիրվում է Իր օրհնության խոսքն ու նոր տարվա պատգամը տալու Մայր Աթոռի միաբանությանն ու բոլոր ներկաներին:

Ամանորի առիթով միաբանական սեղանատանը կազմակերպված հանդիսությունն ավարտվում է խմբովին երգված Տերուհանական աղոթքով և Վեհափառ Հայրապետի «Պահպանիչ»-ով:

Ժամը 24-ն է: Եվս մի ակնթարթ, և հրնչում են Մայր տաճարի զանգերը գիշերվա խորհրդավոր լույսյան մեջ: Հնչում են զանգերը 365 անգամ՝ վերջին անգամ վերհիշելու անցած տարվա ամեն մի օրը:

Մայր Աթոռի միաբանությունը, հոգևոր ճեմարանի ուսանողությունը Նոր տարվա առիթով իրենց առաջին, լուելայն, ինքնավիտի աղոթքն են անում Մայր տաճարում, որպեսզի նոր տարին լինի խաղաղության, առատության, հայրենիքի բարօրության և ժողովուրդների ի Բրիստոս եղբայրության տարի:

Թող բարո՛վ գա նոր տարին:

